



Atvinnuvega- og nýsköpunarráðuneyti
B.t. skrifstofu orku, iðnaðar og viðskipta
Skúlagötu 4
101 Reykjavík

Reykjavík, 4. febrúar 2020

Efni: Drög að frumvarpi til breytinga á lögum um endurnýjanlegt eldsneyti í samgöngum á landi

Samtök iðnaðarins (SI) vísa til máls nr. 13/2020, og birt er á samráðsgátt Stjórnarráðsins, þar sem kynnt eru til umsagnar drög að frumvarpi til breytinga á lögum nr. 40/2013 um endurnýjanlegt eldsneyti í samgöngum á landi (skýrsluskil o.fl.). Eins og fram kemur í umfjöllun um málið inni á gáttinni er tilefni boðaðra breytinga fyrirhuguð innleiðing í landsrétt á tilskipun Evrópuþingsins og ráðsins 2015/1513/ESB, frá 9. september 2015, sem breytir tilskipun 98/70/EB um gæði bensíns og díseleldsneytis og tilskipun 2009/28/EB um að auka notkun orku frá endurnýjanlegum orkugjöfum.

SI hafa kynnt sér fyrirleggjandi drög að frumvarpi og gera samtökin ekki athugasemdir hvað varðar þau ákvæði sem þar koma fram. Að gefnu tilefni telja SI hins vegar ástæðu til árétta ákvæði og áherslur þeirra EES-gerða sem núgildandi lög grundvallast á en hafa enn ekki verið tekin að fullu upp í innlenda löggjöf.

Í því samhengi benda SI á tómlæti laga sem skylda dreifingaraðila að uppfylla markmið stofntilskipunar um endurnýjanlega orkugjafa á þá vegu að 10% af orku í samgöngum séu af sjálfbærum og endurnýjanlegum uppruna fyrir árslok 2020. Að sama skapi telja SI mikilvægt að ráðuneytið taki til skoðunar heimildir til setja hámark á magn lífseldsneytis tiltekinna afurða í þeim tilgangi að beina notkun í átt að eldsneyti úr úrgangi og rafmagni. Með innleiðingu á slíkum kröfum er unnt að tryggja að lífaldsneyti verði ekki unnið úr hráefnum sem að óbreyttu eru ekki hæf til notkunar hjá öðrum ríkjum eða af lakari gæðum sem uppfylla ekki þær kröfur sem gera verður til slíks hráefnis.

Loks telja SI mikilvægt að hér á landi verði innleiddar kröfur um skýrslugerð á þá vegu að opinberir aðilar hafi fullnægjandi upplýsingar um uppruna hráefnis í lífaldsneyti og að innflutningsaðilar framvísi vottorðum um sjálfbærni allrar virðisikeðjunnar.

Að öðru leyti vísa SI hér einnig til umsagnar Carbon Recycling International hf. um mál þetta og taka samtökin undir þær ábendingar sem þar koma fram. Er framangreindum ábendingum hér með komið á framfæri við atvinnuvega- og nýsköpunarráðuneyti og gera SI ekki frekari athugasemdir við frumvarpsdrögin að svo stöddu máli.

SAMTÖK IÐNAÐARINS

Lárus M. K. Ólafsson
Viðskiptastjóri